

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **La Clavicvle, Ov La Science De Raymond Lvlle**

**Lullus, Raimundus**

**Paris, 1647**

PROSOPOPEE.

[urn:nbn:de:bsz:31-43717](https://nbn-resolving.org/urn:nbn:de:bsz:31-43717)

## PROSOPOPEE.

**L**A Prosopopée se pratique, lors que l'on introduit quelque Personne dans vn Discours, pour luy faire dire avec efficace ce qui n'auroit pas tant de poids, si l'Orateur le disoit luy-mesme. Ainsi dans vne Consolation que ie feray à vne Vefue, ie pourray introduire son Mary, & le faire parler de cette sorte. *Pourquoy interrompez-vous par vos larmes, le repos que ie possède maintenant au Ciel? Pourquoy vous affligez-vous, puis que ie suis arriuée au comble d'un contentement infiny? L'Amant peut-il ressentir d'autres mouuements que de ioye, lors que celuy qu'il aime jouit d'un extrême bonheur? Ces*

N

sez, cessez vos larmes, qui ne procedent que d'Aueuglement, & jettez les yeux de vostre Esprit iusques au haut des Cieux, où vous me verrez dans une Gloire Eternelle, qui doit estre un suiet plus que suffisant de vous consoler. On fait parler les choses inanimées, les Villes, les Rochers & les Mers, les Payens, la Vertu, & le Vice, pour donner plus de force & de grauité à nos Discours, & exciter puissamment l'esprit des Auditeurs. Je pourrois encore introduire vn Pere, qui parleroit ainsi a son Enfant. *Mon Fils, ne connoisseZ-vous pas celuy qui vous a donné l'Estre apres Dieu? Je vous ay laissé en ce Monde, pour estre vne Image viuante de mes Actions, & vn autre moy-mesme. Pourquoi donc ne vous efforcez-vous pas d'imiter vostre Prototype, aussi bien dans vos*

Mœurs, comme vous luy ressemblez dans les traits du Visage ? Voulez-vous ainsi croupir en oisiveté, dans un âge auquel i'auois desia acquis les plus grandes Dignitez du Royaume ? Où sont les promesses que vous me fites un peu auant que je vinsse à clorre la paupiere ? Souuenez-vous de mes dernieres parolles : Souuenez-vous de la Benediction que je vous donnay, qui ne vous sera iamais profitable qu'avec cette condition, que vous ne marquetez mon nom d'aucune tache d'Ignominie, ny ma Maison d'Opprobre, & vostre Conscience de Confusion eternelle.

P V D E V R.

**I**L est encore bon de tesmoigner vne Honneste Pudeur, &